

Quae omnia, comparatis inter se porro, hinc *Synagogae Eleemosynarum collectione*, precibus, תכנים *ministris*, servis, פרנסים *pastoribus*, Interpretibus & Prophetis, שליח הצבור *Synagogae Angelis*, פקדים *visitoribus*, זקנים *Senioribus*; Hinc vero, Christianorum λογίους, 1. Cor. XVI. 2. oratione dominica, ὑπηρέταις, *Diaconis*, Pastoribus, Eph. IV. II. Prophetantibus & lingvas interpretantibus, 1. Cor. XIV. 1. seqq. Rectoribus Ecclesiarum & Angelis Apocalypticis, ἐπισκόποις, πρεσβυτέροις, ST. le MOINE fusius congescit. *Var. sacr. l. c.*

XI.

Publice sic itaque ac privatim in Academiis docendo, roborant veluti Doctores, in audientium animis legem, quod quondam in יבנה factum, praedicat Beniaminis Itinerarium. DOMVS SCHOLAE videlicet tum JAFNE audiebat, ac primus ibidem Rector, RABBAN JOCHANAN, Zachaei filius, sub insigni adducitur elogio, quod ibi sepes legi fecerit, i. e. doctrina & legibus vivendi, verbum DEI confirmaverit & propagaverit. BVXTORF. Tiberias, c. V. p. 5. MENSAM plane hic DEI venerantur alii, ubi docentium in Academiis cum discipulis suavissimum observant congressum; Ita namque Judaei in PIRKE ABOT c. III. Tres, qui cibum capiunt in una mensa, & conferunt in ea verba legis, perinde est, ac si comedissent de MENSA IPSIVS DEI, sicut dicitur (Ez. XLI.) & locutus est ad me, haec est MENSA, quae est ante DOMINVM. STEPH. le MOINE, in *Var. Sacr. P. II. p. 47.* Cum dapibus refici regiis, atque de summorum mensis accipere cupedias, honor aliis habeatur maximus, sponte assequitur quisque, non minori in pretio habendum esse discipulis, in praestantissimis sapientiae, quae desuper data est, capitibus, a Doctoribus in Academia publicis solide erudiri. Illud apud Persas inprimis